



UPA 2017/141
Nuuk, 25.04.2017
Iddimanggiu Bianco

Uunga siunnersuut: Inissianik attartortitsisarneq pillugu Inatsisartut peqqussutaata allangortinneqarnera pillugu Inatsisartut inatsisaat nr. xx, xx. xx 2017-imeersoq.

(Sulisunut inissiamik tigusinissamut ukiunik 7-inik maleruagassaqaqarnermut allangortitsineq)

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Sulisunut inissiamik tigusinissamut ukiunik arfineq marlunniit tallimaannangortinneqarnissaanut suliaq qujanarpoq ukioq kingulleq akuerineqartumik aallartinneqarmat.

Qularutissaangitsumik oqariartuutigineqartuni allannguutaasussaq sulisunut ineqartunut iluaqutaasussat arlaqarput, kingunerisassatut ilimagineqarluni qinuteqarnissaq orniginarnerulernissaa.

Unali inatsit allangortinnissaanut tusarniaasimanermi tikkuarneqartut arlaqartuupput Inuit Ataqatigiinni tusaatissatut tigullugit suliassatut tigoqqik-kusutagut arlaqarput.

Tusarniaanermi akissutit ilagaat attartortitsisarnermi inatsit allangortinnissaanut ujartuineq, qangalili suliarineqarniarluni oqariartuutigineqartarsimasoq, taannalu oqariartuut sukumiinersumik suliaqarnissamut ujartuina maluginiagassaavoq.

Unarpiaq inatsit allangortinnissaanut siunnerfik atuutilernissaanut ikaarsaariarnissaq pingaaruteqartutut taaneqarpoq, 1. August 2017 atuutilernissaanut periarfissinneqarsimammat, tamannalu apeqqutaasinnaanera akissuteqaateqartuni oqariartuutigineqarpoq.

Tamakku pillugit Inuit Ataqatigiinniit ataatsimiitsitaliamut susassaqartumut ingerlateqqinnissaa innersuupparput.

Qujanaq